

յայտնի է Ղուբայեցւոց և Դարբանդեցւոց՝ տեղը - մանաւանդ խաչմասեցւոց:

Յիշեալ պ. Պետրոսը նոյնպէս յայտնի է զուբայեցւոց և դարբանդեցւոց իբրեւ մի քաջագուն և հանճարեղ մարդ, որոյ նախնիքն Ղափլան Ղազարը, ինչպէս պատմում են, մեծին Պետրոսի ժամանակի մարդ է եղել և ներկայացել է Նորին Մեծութեան Դարբանդում, որոյ թոռն Բալայ Ղազար ծանօթ և սիրելի է եղել Դարբանդի Լէզկի Չամխալ խանին, որից և ստացել է պարգեւ քանի գիւղեր, ի թիւս որոց և այս խաչմաս գիւղը, բայց ափսոս, որ վերջին Պետրոսը չէ կարողացել պահպանել այն գիւղօրայքը: Այս խաչմասի և Մօլլա խալիլի ընդարձակ գերեզմաններից երեւում է, որ երբեմն հայոց բաւական բազմութիւն բնակուել են այս կողմերում, մանաւանդ Աղուանից թագաւորաց ժամանակը, որք ինչպէս վերելք գրել եմ, պարսից և օսմանցւոց բռնութիւնից նեղացած՝ թողել հեռացել են Կովկասու միւս կողմը և բնակւել են Մօզղօք, Ղըզլար, Պետրովսկի, և այլն: Ուստի և Ղուբայու գաւառը գրկւել է իւր բնիկ բնակիչ հայերից, իսկ Աղուանից ազգին Լանկ Թամուրը գերելով տարաւ և բնակեցրեց այժմեան Աղուանստանը (Խիվայ, Վրկանաց աշխարհ). մնացածն էլ Ա. Չահաբասը բռնութեամբ թուրքայնելով Չահ—Սէվան անունով մխիթարեց ու վարձատրեց, ի թիւս որոց և շատ հայերի և բազմաթիւ վրացւոց, ինչպէս Առաքել պատմագիր վարդապետը գրել է:

Իսկ Աղուանից մնացորդներից հազիւ մնացել են 2-3 հազար տուն և մնացել են հայոց հետ, ինչպէս և ի սկզբանէ կըրօնով և գաւանդութեամբ մի էին մեզ հետ: Այն Աղուանից մնացորդներն, ինչպէս վերեւն ասել եմ, լեզուով, սովորութիւնով, կենցաղավարութիւնով են, են բնակիչքն Չամխաու գաւառի Մաղրասայ գիւղի, Ղուբայ գաւառի Քիլվար և խաչմաս գիւղերի, և Նուխի գաւառի Նիթ և Վարդաշէն գիւղերի, որոց և Ուտի են ասում՝ Ուտիացւոց գաւառումն բնակուելու համար, և այս վերջին երկու գիւղերի բնակչաց լեզուն իսկապէս Աղուանից լեզուն է, ինչպէս քանի գիտնականք հետազօտել և վկայել են գիտնական միջոցներով. վասն զի մատրասեցւոց,